

477

87

DEO OPTIMO MAX. QUÆSTIO MEDICA,

QUOD LIBET ARIIS DISPUTATIONIBUS
manè discutienda in Scholis Medicorum, die Jovis septimo mensis
Februarii, Anno Domini M. DCC. LX.

M. STEPHANO POURFOUR DU PETIT, Doc-
tore Medico, Præside.

An febribus malignis alexipharmaca.



UID sit febris maligna meliùs à Medicis intelligitur, quàm ab ullo potest explicari; à febribus acutis ingentibus, periculosis & exitiabilibus etiam meritò distinguitur, malignas enim non esse quascunque febres acutas, etiam ingentes & perniciosas nonne testantur inflammatoriæ, ardentes, aliæque plurimæ? Febribus malignis inest quid distinctivum labem peculiarem indicans, exactâ symptomatum collatione deprehendendum. Nam si adia-

phora & erratica toto cælo distent à febris ingenio, vel saltem quoad gradum & intensiorem sint febre superiora, malignitatis jure arguitur febris. Non enim sola symptomatum magnitudo malignitatem evincit, si febris intensitas symptomatis respondeat. Febris itaque maligna ea est in quâ deest analogia symptomatum cum causâ, totus in hoc cardo *diagnosis* vertitur; hoc solo signo pathognomonico à cæteris febribus distinguetur hæc larvata ut plurimum incedens, & nunquam ferè sui similis. Multò verò rariores esse febres malignas ac vulgus existimat, intelligit quicunque notas earum distinctivas sedulus indagator simul & auctoritates celeberrimorum in praxi virorum consulit. « Febris verè maligna (ait Sydenhamius, (a) non est omnium dierum morbus, &c. » & paulò superius; è febribus nonnullæ in malignarum classem vulgò reponuntur, cum indomita symptomatum sævitia quæ huic opinioni patrocinari videtur, non à venenosâ morbi indole, sed à therapeutâ perperam administratâ proficiscatur. « Hujus verò sunt ordinis febres illæ quas dicunt malignas per se, & quæ regimini calidiori, diætæ minus exactæ, præmaturæ purgationi, potui nimis infrequenti, irritabilitati nimis natales suos debent; quæquæ indicant pulsûs contractio, siccitas oris & linguæ, totius cutis ariditas; curantquæ missiones sanguinis, potus demulcens & refrigerans, medicamenta anodyna. Non benè verò malignitatis nomen usurpant illæ febres, cum malignus solum morbus ille censeretur debeat, (b) » qui adscriptas generi suo apparenti phases non percurrit; qui solito perniciûs & latenter ad judicationem proventus Medicorum spem deludit; analogice congruentibus remediis nullatenus obtemperat, novis ad sui debellationem indigeus; qui tandem specialibus propter anomaliam titulis comprehendi postulat. « Hujus verò labis causas & modum agendi assignare & explicare poterit ille tantum, qui naturæ fidelis observator quibus præsertim aëris vicissitudinibus ingruant febres malignæ, quibus vomitibus alantur, propagentur, qui sint earum effectus, quibus auxiliis retundantur annotabit. His omnibus attentus à miasmatis partim à putredine, partim à veneno quodam occulto, pernicioso, non facile subigendo, nec sibi semper in diversis ægrotantibus simili, sed potiùs pro ægri temperie modificando pendere deprehendit; quæ miasmata vel in aëre volatilia corpora nostra intimè penetrant, vel ut plurimum in primis viis hospitantia ab iis tan-

(a) Confl. epidem. an. 1666.

(b) Vide Thesim An frequentior hodie quàm olim malignitatis romens p. p. a. M. Guérard, Præs. M. Pajon.

quam officinâ & fomite per universos humores disseminantur, accedente non infrequenter aëris, vel & caterorum rerum non naturalium noxâ. Eam enim confirmant opinionem, tum anni tempestates febrium malignarum grassationi faventes, austrino nempe flante vento, cœlo sudo & humido, quæ tempestas potissimum humoribus putredinem, aëri verò noxiam & venenatam qualitatem inducit; tum res aliæ non naturales febribus malignis epidemicis viam sternentes vel occludentes, cibi vel potus impuri, squallor corporis, sordes ædium præsertim in tuguriis suffocantibus quæ non perflant venti scoparii: aër enim stagnando putrescit, exhalantibus inquinatur effluviis, similique tabe inficit animalia. Non parum etiam nostræ sententiæ lucis affundunt varia hujus morbi symptomata anomala, parùm sibi constantia quæ hîc proferre longius foret, & è variis authoribus repeti possunt. Sufficiat adjungere sanguinem floridum sæpius initio apparentem falsâ specie deludere; asservatus enim non coagulatur: unde patet hanc floriditatem, ab alcalinis salibus putrescentium liquidorum quibus dissolvitur obtinere.

I I.

QUIBUS verò auxiliis tanti morbi immanitatem debellare? Quibus viribus mortis infringere minas, naturamque exhibere triumphantem? An sufficientes milliones sanguinis? Venæ sectio non rarò prodest equidem, sæpe verò præsertim repetita nocet: nec morbum directè sed per accidens levat, plethoram minuendo quæ multoties præsens, tum attenuationi obstat tum expulsiōni materię morbificæ. Etsi enim hujus pars aliqua cum sanguine exeat, reliqua tamen humoribus penitus permixta eos non minùs inficit. Idque accidit iis qui frequentiori missione sanguinis vires exhauriunt, ut dum natura depurationi impar redditur totam massam sanguinis in sanie putridam convertant. Cruor primò emissus pulcher & floridus apparet, postea verò lividus, putridus, dumquæ camarinam movere credunt & fomitem morbi tollere, ægotantis spiritum educunt cum latice sanioso. An sat erunt emetica & cathartica? Egregio quidem cum successu adhibentur, nec unquam omittenda: bilis enim in febribus malignis maximè prædominat, (*) & in cadaveribus hominum hoc morbo defunctorum ferè semper inventum est vesicam felleam, ductus biliarios, canalem choledochum, duodenum bile infarciri viridi vel atrâ, quæ nisi foràs eliminetur, ad sanguinem delata nervos irritat, crasim sanguinis destruit, omniaquæ corrodit ygeni ad instar. Id insuper adest utilitatis vomitorio, quod dum eo lancinatur ventriculus, proritetur & cerebrum, communicquæ quassatu utrumque viscus expurgetur; quin & sæpè magna pars fomitis morbi faburra nempe acris putrescens expellatur. Verùm enim verò in febribus malignis adest quid singulare, adfunt scilicet miasmata tum putrida tum venenata & abdita indolis universis humoribus permixta, ut superius dictum fuit. Ipsa symptomatum anomalia aliâ eundum esse ac trita in omnibus febribus viâ nos docet, sanguis ut ita dicam depauperatus spiritus putredinis alexiterios postulat, ulterior debet præpediri putredo, miasmata verò tum putrida tum venenata emendari, evacuari: his verò omnibus indicationibus varia satisfaciunt alexipharmaca.

I I I.

DUPLEX potissimum genus est alexipharmacorum, alia enim fixioris & acidæ sunt indolis, alia volatilioris, spirituosioris & aromaticæ, ad quam familiam referri possunt camphorata, & ipsa camphora singularis licet speciei. Maximas verò utilitates secum afferit utraque genus, & in diversis febribus malignis modo hoc modo illud felicissimè usurpatur. Ubi enim prædominat putredo, venenataquæ miasmata magna activitate prædita videntur, quod vividioribus symptomatis, pulsu auctiori, vel cutis ardore, deliriis convulsivis cognoscitur, optime tunc indicantur acida; veteresque ipsi Hippocrates & Dioscorides, nihil

(*) Huxam
Essays sur les fi-
èvres, p. 137.

in his casibus sua poscâ vel oxycrato commendatiùs habuerunt; admixto præfer-
tim melle. Inter recentiores verò plurimos annumerare possem, ex quibus verò
excerpere lubet » (a) Hoffmannum de usu acidorum in febribus malignis, « &
» Gualtherum de Harris de methodo quam Turcæ in pestis curatione observare so-
lent « (b), si verò minor vel saltem minus activa appareat putredo, venenumquæ
malignum fixioris sit indolis viselquæ opprimere videatur, quod indicant pulsus
debilis & ad tactum vix apparens, extremitates frigida, debilitas summa, som-
nolentia, non comitante tamen ardoris interni sensu, optimo tunc successu dan-
tûr alexipharmaca aromatica, camphorata: quæ pollent enim volatilitate & subti-
litate, ultima penetrant capillaria, nervosos ipsos subeunt canales, poros obstruc-
tos referant, solida nervoso-musculoso-membranacea ad vegetiores contractiones
excitant, materiam peccantem crassam, viscidam acrem, plus minusve corruptam
ac putridam, per universam humorum massam disseminatam, quin & tubulis ca-
pillariibus impactam resolvunt & per corporis peripheriam dissipant, vegetum
denique benignumquæ calorem & motum restitunt. Nulla verò tutiùs & placi-
diùs quàm camphora, cum vix humores accendat, sed potius singulare refrige-
rium ab humorum circuitu libero oriundum aliquando præbear, cui proximis
occupant honores radices serpentariæ virginianæ, angelicæ, carlinæ. Optimo etiam
quin & tutiori successu acida miscentur aromaticis, tum quòd non semper per-
picuè intelligatur quibus potior locus sit alexipharmacis, tum quòd se invicem
corrigan, quin & junctis viribus morbum debellant. In febribus enim malignis
crasis humorum servanda, vel etiam restituenda, ulterior sistenda corruptio, mis-
matum verò discussioni & perspirationi favendum. Duabus primis indicationibus
acida subalstringentia satisfaciunt, ulteriori verò aromatica. Hac usus fuit felici-
ssimè mothodo (c) (Huxanius,) qui camphoram ipsam cum aceto maximè
commendat.

(a) Observa-
tiones. Chim. Po-
184.
(b) Tract. de
Morb. inf. 1. 2. 96

(c) Essai sur
les Fièvres.

I V.

A PAGE verò arcanorum venditores, specificorumquæ & magnificorum alexi-
pharmacorum decantatores, qui lapides pretiosos, margaritas, aurum ip-
sum, lapides bezoardicos, ossa de corde cervi magno pretio quæcunque empta
ægotantibus offerunt; esto plebem ignaram avidum genus auricularum decipi-
ant, non certè Medicos peritos deludent. Optima alexipharmaca sumptu me-
diocri parare quisque potest. Ex acidorum enim familiâ sufficient succi citri,
limoniorum, grossulariæ, berberidis, spiritus salis marini & vitrioli aquâ dulci-
ficatî, acetum ipsum quod vile licet & commune miros præstat effectus, teste
ipso (a) (Boerhaavio). Nec mirum cum ejus sal acidum temperet copiosum
phlegma & oleum, penetrabilitatem verò augeat spiritus vinosus ei admixtus,
quibus mediantibus remotissima pervadit capillaria, potentissimè & absque acrimo-
niâ abstergit, spirituum motus inordinatos compescit, nervorum irritationi
medetur. Ex observationibus patet febres anomalis symptomatis slipatas, & mo-
rem affectantes illarum febrium quas dicunt malignas per se, & quæ nimia sicci-
tati & irritationi originem debent, epoto copioso oxycrato omnia malignitatis
signa deposuisse. Inter spirituosas verò & aromaticas alexipharmaca primum certè
locum obtinet camphora prudenti dosi, & debitis cautelis exhibitâ; succedunt
variae plantæ ex quibus camphora peculiari encheiresi obtineri potest radix ser-
pentariæ virginianæ, helenii, rosmarinus, majorana, hisopus, thymus, serpil-
lus, origanum; quin & alia radices zingiberis v. g. zedoariæ, angelicæ, impe-
ratoriæ, carlinæ, quæ apud varios auctores maximè commendantur: ex quibus
insusa, decocta, extracta, conservæ pro Medici nutu morbiq; necessitate parari
possunt. Medinum verò quasi locum acida inter & volatilia aromatica obtinent
vina varia, quorum usum licet nonnulli in morbis omnibus reformident, nihil

(a) Boerhaav.
Chim. tom. 2.
Pag. 132.

(b) Observ. Philo-
sic. Chim. dissert.
de vial rheu-
mat. cap. VI.
(c) Observ. sur
les maladies des
Armées, tom. II,
p. 24.
(d) De febribus,
lib. 2. cap. 28.
(e) Essais sur
les fièvres p. 15 16

lominus à multis præsertim in febribus malignis magnis encomiis extolluntur; ut videre est apud, (b) Hoffmannum, (c) Pringlium, (d) Poterium, (e) Huxamium. Vina quædam ad acidam magis vergunt indolem ut vina rhœnana, alba gallica; alia plus ad spirituosam & phlogisticam ut hispanica, rubra & generosa v. g. vina dicta, de Alicante, ex quibus eligenda sunt convenientiora. Prudenter verò semper usurpari debent, aliquid tamen sæpe dando consuetudini & appetitui ægro-
tantis.

AST, clamitant nonnulli, plurimæ febres malignæ absquæ alexipharmacorum usu sanantur! Sed ut hic omittamus vinæ emetica, serum lactis stibiatum quæ tanto cum successu in febribus malignis quandoque abhibentur, non tam emeticorum quàm alexipharmacorum vices sæpius gerere; norunt enim Medici emetica & cathartica parca dosi, vel stomacho minùs mobili exhibita alterantia quin & diaphoretica fieri. Ut hoc, inquam, omittamus, annè verè semper constet de febris malignitate? Cum ubique usurpetur hoc vocabulum, morbisque fe-
rè omnibus symptomatis gravibus stipatis temerè adscribatur. Non soli verò mor-
bi multùm periculi minitantes nomen illud sortiti sunt, sed & ægritudines variæ quibus laborat multitudo à medicantibus & agyrtis eam invisentibus maligni-
tatis accusantur insontes, ut populo hiante medelæ uberius pretium, sana-
tionis fama major, lethi verò minor ignominia redundet. Hanc totam decipien-
tium & deceptorum turbam ad veritatem reducere nec possibile, nec quisquam
ut credimus sperat. Solorum Medicorum est, & arte versatorum virorum mor-
bos malignos sagaci discernere oculo; non nubem pro junone amplecti, non
ægrotantibus facere fucum eos docuit scientia, experientia, probitas. Quæ verò
excellentibus viris suppeti notitia, qualis accendi poterit fax viæ directrix aspe-
ræ; hic certe non temerè nec inutiliter ea proponitur sententia, cui propugnandæ præsentia asfulgent sidera omina certissima, experimenta benè multa, ratioci-
nia, eruditiorum plurimorum præceptiones. Hanc maturè perpendant adversarii,
bonaque fide meminerint non in omnibus morbis eandem viam eundem esse; nec
cunctis febribus sanandis sufficere venæ sectionem, emetica, cathartica, ptisanas
vulgares: hujus autem sunt generis febres malignæ, & certè eò potiori jure
quòd à cæteris plus recedant. Et si, quod non infici potest remediis mox lauda-
tis multoties cesserint, nihilominus fateantur celerius & jucundius methodo
hic propositâ debellari, profligari. Itaque concludendum,

Ergo febribus malignis alexipharmaca.

DOMINI DOCTORES DISPUTATURI.

M. Hugo Capet.

*M. Joannes-Jacobus Mes-
senc.*

M. Petrus Arcelin.

M. Petrus - Augustus Adet.

*M. Carolus-Franciſcus The-
rouldè de Toulouse de Val-
lun, Eques.*

M. Petrus Chevalier,

*M. Jacobus Barben - du
Bourg, Regia Scientiarum
Academia Societatis*

M. Anna - Carolus Lorry.

*M. Franciscus Bernard,
utriusque Pharmacia Pro-
fessor.*

Proponebat Parisiis JOANNES-ARMANDUS ROUSSIN DE MON-
TABOURG, Parisiensis, Saluberrimæ Facultatis Medicinæ Parisiensis Bacca-
laureus, Theses Auctor, A. R. S. H. 1760, A SEXTA AD MERIDIEM.

Typis Viduæ QUILLAU, Universitatis & Facultatis Med. Typographi, 1760.